

ယာကုပ်

ယာကုပ်ဟုနေ ပေးစာ

နိဒါန်း

ယာကုပ်ဟုနေ ပေးစာ ဟို့ ယာကုပ်ဟု ရေးဟူးဟူ စာဖြစ်ဟယ်။ သူဟာ ယေရှုရဲ့ ညီလည်းဖြစ်ဟယ်။ သူဟာ ယေရှုရှလင် ကောန်စီဝမ်ဖြစ်ဘီး ကနဦးသင်းတော်ရဲ့ ခေါင်းဆောင်လည်း ဖြစ်ဟယ် (တ ၁၅.၁၃)။ တမန်တော် ပေါလုဟု ဂလာတိ ၂.၉ ထဲမှာ သူ့ဟို့ သင်းတော်ရဲ့ “ဒေါက်တိုင်” ဆိုဘီးလည်း ခေါ်ဟူးဟယ်။ ယာကုပ်ရဲ့ ကျမ်းဟို့ ခရစ်တော် မွီးဘီးန ၅၀ ခုနှစ်လော့-က်မှာ ရေးဟူးဟယ် ဆိုဘီး ကျမ်းစာပညာရှင်လေဟု ယောင်ကြည်ဂေဟယ်။ ယာကုပ်ဟာ ယေရှုရှလင် ကောန်စီဝမ်တယော့-က် ဖြစ်ဟူကြောန့် အယ်မြို့မာနေဒူး အယ်ကျမ်းဟို့ ရေးဟူးရှင်း ဖြစ်နိုင်ဟယ်။

ယာကုပ်ဟာ သူပေးစာဟို့ “နေရာတိုင်းဟို့ ဖုလဲဖုလဲစင် ဖြစ်ဟူးဟူ လူမျိုး ဆယ့်နှေ့မျိုးဟို့” လိစာတပ်ဟူးဟယ် (၁.၁)။ ယာကုပ်ရဲ့ ကျမ်းထဲဟု သင်ဂန်းဇာလေဟာ ခရစ်ယာန်လေ ဂူလောင်းန သတ်ဆိုင်ဟယ်။ အယ်ဘေမဲ့ “လူမျိုး ဆယ့်နှေ့မျိုး” ဆိုဘီး သောင်းပြုဟူးဟူကြောန့် ယာကုပ်ဟာ ယုဒလူမျိုး ခရစ်ယာန်လေဟို့ တိုက်ရိုက်

ရေးနေဇာ ဖြစ်နိုင်ဟယ်။ အယ်ကျမ်းဟာ တိုင်းတပါး
မာ ရှေး-က်နေဟူ စာဖတ်မားလေဟို့ ရည်ညွှန်းဟူးဟူ
ကြောင်းရာ ဘောင်ဂီးဟို့ ပြောဟူးလေဟယ်။ ယာကုပ်
ဟာ လောက်ဆောန်ရှင်းန ယောင်ကြည်ရှင်းဟို့ လေးထား
ဟူးဟယ်။ စစ်မှန်ဟူ ယောင်ကြည်ရှင်းဟို့ လောက်ဆော
န်ရှင်းန ပြရဟယ် (၂.၁၇)။ သူဟာ ကပ်ပေါဟူ လူလေဟို့
မျှန်လာလိုက်ဘဲဟို့တွပ် ဒီပေးဟူးဘီး (၂.၁-၄) ကျွန်တော့်
ဟူးလေ ဖြားဇာဘဲပြောပြော ဂရုစိုက်ဟို့တွပ် ပြောဟူး
ဟယ် (၃.၁-၁၂)။

ကြောင်းရာ ကျဉ်းချောက်

- ၁။ ယာကုပ်ဟာ သူပေးစာမာ စာဖတ်မားလေဟို့ နောက်
ဆစ်ဟူးဟူကြောင်း (၁.၁)
- ၂။ ခရစ်ယာန်လေဟာ ဒေါက်ခရော့-က်ဟူ ခီမာ သီးခံ
ဟို့ အားပေးဟူးဟူကြောင်း (၁.၂-၂၇)
- ၃။ လောက်ဆောန်ရှင်းအားဖြင့် ယောင်ကြည်ရှင်းဟို့ ပြ
ဟို့တွပ် ရရာတိုင်း လိုအပ်ဟယ် ဆိုဘီး ပြောဟူးဟူ
ကြောင်း (၂.၁-၂၆)
- ၄။ ရရာတိုင်း တဂိုးပါဟူ စကားလေဟာ ဖြစ်နိုင်ဟယ်
ဆိုဘီး ပြောဟူးဟူကြောင်း (၃.၁-၁၂)
- ၅။ ယာကုပ်ဟာ ဘုရားသခင်ပညာန လောကီပညာဟာ
ရရာတိုင်း ကွာခြားဟယ် ဆိုဘီး ရှင်းပြဟူးဟူကြော
န်း (၃.၁၃-၄.၁၀)
- ၆။ ဝါကြွေးဇာဟို့ ရှောန်ရမယ် ဆိုဘီး ဒီပေးဟူးဟူ

ကြောင်း (၃.၁၁—၅.၆)

၇။ ယာကုပ်ဟာ ညွှန်ကြားချစ် တချို့ဟို့ ပေးဘီး နိဂေါင်းချောက်ဟူးဟူကြောင်း (၅.၇-၂၀)

^၁ ဘုရားသခင်န သခင်ယေရှုခရစ်ရဲ့ စေခံ ယာကုပ်ဟာ၊

ကမ္ဘာတဝန်းလောင်းမာ ပုလုံနို့ဟူးဟူ ဘုရားသခင်ရဲ့ လူလေ ဂူလောင်းဟို့၊
နှောက်ဆစ်လိုက်ဟယ်။

ယောင်ကြည်ရှင်းန ဉာဏ်ပညာကြောင်း

^၂ ငါ့ညီကို မောန်နှမလေ၊ နန်းနို့လေဟာ စောင်ဇမ်းနှောက်ရှစ်ဇာ မျိုးမျိုးဟို့ တွဲရဟူ ခီမာ ဝန်းသာဇာဘွဲဖြစ်ဟယ် ဆိုဇာ ခံယူဂေပါ။

^၃ ဖြားဖြစ်ကြောန်နူးဆိုဟာ နန်းနို့ရဲ့ ယောင်ကြည်ရှင်းဟို့ စောင်ဇမ်းဇာဟာ ခံနိုင်ရည်ဟို့ တိုပွားစေဟယ် ဆိုဇာ နန်းနို့ သိဂေဟယ်။

^၄ နန်းနို့ဟာ ဖယ်ဇာလည်း ချို့တတ်ဇာမေ့ဘွဲ ပုလုံဝစောင်လင်ဂေဟို့တွပ် ဆောင်းထိ ခံနိုင်ရည်ရှိရမယ်။

^၅ နန်းနို့ထဲမာ ယော့-က်ယော့-က်ဟာ ပညာဟို့လိုရှင်ဟယ် ဆိုဟာ ကဲ့ရဲ့ပြစ်တန်ဘွဲန၊ လူလေ ဂူလောင်းဟို့ စေတနာစိန် ပေးသနားဟူ ဘုရားသခင်နားမာ တောန်းစေ။ တောန်းမယ် ဆိုဟာ ရလေ့မယ်။

⁶ အယ်ဘေမဲ့ သံသယမဲ့ဘဲနဲ ယောင်ကြည်ဟူစီနဲ တောန်းရမယ်။ ယောင်မှားဘီး သံသယစီရှိဟူလူဟာ လေတိုက်ဟူ ခီမာ လှောက်ရှာနေဟူ ပန်လယ်ဟု ရေလှိုင်းနတူဟယ်။

⁷ အယ်လူဟာ ဘုရားသခင်နားဟုနေ ဖြားဇာလည်းရမယ် ဆိုဇာ ထန်မှတ်စေန။

⁸ အယ်မျိုးလူဟာ စီနေ့ခွရှိဟူကြောန့် သူလောက်နေဟူ ဇာလေမာ တည်ကြည်ရှင်းမဲ့ဘဲဟူ သူဖြစ်ဟယ်။

ဆင်းရဲရှင်းနဲ ကြွယ်ဝရှင်းကြောန်း

⁹ ညီကို ယော့-က်ယော့-က်ဟာ နီကုလနေဟူ ခြေနေဟုနေဘီး ဘုရားသခင်ဟု ချီးမြှော့-က်လိုက်ဟူ ခီမာ ဝန်းသာပါစေ။

¹⁰ ကြွယ်ဝဟူ ညီကိုဟို ဘုရားသခင်ဟု နီခလဟူ ခီမာ ဝန်းသာရမယ်။ ဖြားဖြစ်ကြောန်းနဲ့ဆိုဟာ ကြွယ်ဝဟူ လူလေဟာ တောထဲဟု မြစ်ပန်မျိုးဘဲ ညှိုးဘီးဟာ ပျော့-က်ကွယ်ဟူးကြောန့် ဖြစ်ဟယ်။

¹¹ နေပူရှိဟာ မြစ်ပန်ဟို ခြော့-က်ဟူးစေဘီးဟာ ပွမ့်လည်း ကိုကုလဟူးစေဟယ်။ အယ်ကြောန့် တင့်တယ်လှပရှင်းလေဟာ ပျစ်စီဟူးဟူမျိုးဘဲ ကြွယ်ဝဟူ လူဟာလည်း သူ့ရဲ့ စီပွားဟို လောက်နေဒူးဟူခီမာ ပျော့-က်ကွယ်ဟူးလေမယ်။

စောင်ဇမ်းရှင်းနဲ သွီးဆောန်ရှင်းကြောန်း

¹² စောင်ဇမ်းရှင်းဟို သည်းခံနိုင်ဟူလူဟာ မင်္ဂလာရှိဟယ်။ ဖြားဖြစ်ကြောန်းနဲ့ဆိုဟာ အယ်လူဟာ အယ်မျိုးခံဘီး

မှ ဘုရားသခင်ဟို့ ရှစ်ဟူလူဟို့ ကိုယ်တော်ဟု ဒိထားဟာ တိုင်း သတ်သရဖူဟို့ ရလေ့မယ်။

13 သွီးဆောန်ခံရဟူလူဟာ “ဘုရားသခင်ဟာ ငါ့ဟို့ သွီးဆောန်နေဟယ်” ဆိုဇာ ဖယ်သူလဲ ပြောစေန။ ကောန်းဘဲ ဟူဇာလေဟာ ဘုရားသခင်ဟို့ သွီးဆောန်နိုင်ဟ။ ကိုယ်တော်ဟုလည်း ဖယ်သူဟို့လည်း သွီးဆောန်ဟ။

14 လူဟာ သွီးဆောန်ခံရဟယ် ဆိုဇာဟာ ကိုယ်စိဟု ကောန်းဘဲဇာဖြစ်ဟု လိုရှင်ဟူဆနဒဟု ဆွဲဆောန်ဘီး လိုက်ပါဟူးဟူကြောန် ဖြစ်ဟယ်။

15 အယ်မျိုးလိုရှင်ဟူ ဆန္ဒလေဟာ ကိုယ်ဝန်ဆောန်ဘီးဟာ ဒုစရိုက်ဟို့ မွီးဖွားစေဟယ်။ ဒုစရိုက်ဟာ ကီးလာဟူ ခီမာ သေရှင်းဟို့ မွီးဖွားစေဟယ်။

16 ငါ့ရှစ်ရဟူ ညီကို မောန်နှမလေ၊ လွဲယူဂေန။

17 ကောန်းမြတ်စောင်လင်ဟူ ဆုကျေးဇူးမှန်မျှဟာ ကောန်းဂန်မာရှိဟူ ဇာလေဟို့ ဖန်ဆင်းဟူ ဘုရားသခင် နားဟုနေ ရှေ့-က်လာဟယ်။ ကိုယ်တော်ဟာ ပုလောန်းလဲတတ်ဟူ ရိန်လည်းကင်းဟယ်။

18 ကိုယ်တော်ဟာ ဖန်ဆင်းဟူးဟူ သတ္တဝါလေထဲမာ ဦးဆောင်းနေရာဟို့ ရစေဟို့တွပ် သမ္မာတရားအားဖြင့် သူရဲ လိုတော်နတူးဒူ နို့လေဟို့ မွီးဖွားစေဟယ်။

ကြားရှင်းန ကျင့်သောင်းရှင်းကြောန်း

19 ငါ့ရှစ်ရဟူ ညီကို မောန်နှမလေ၊ အယ်ချစ်ဟို့ မှတ်ဟူးဂေပါ။ နန်းနို့ ဂူလောင်းဟာ ကြားရှင်းမာ ရရာတိုင်းမြ

န်စေပါ။ စကားပြောရှင်းန ဒေါသထွပ်ရှင်းမာ နှေးဂေ့ပါ။

²⁰ လူလေရဲ့ မျစ်ဒေါသဟာ ဘုရားသခင်ရဲ့ ဖြောင့်မတ်
ဟူ ကြံစည်လေဟို့ ရနိုင်ဟူ။

²¹ အယ်ကြောန့် နန်းနို့ဟာ ညစ်ညူးရှင်းန ကောန်းဘဲဟူ
ကျင့်လေဟို့ ဖယ်ပစ်ဂေ့ပါ။ နန်းနို့ရဲ့ စိတ်မာ ဘုရားသခင်
ထဲပေးဟူးဟူ တရားတော်ဟာ နန်းနို့ဟို့ ကယ်တန်နိုင်ဟ
ယ်။ တရားတော်ဟို့ နူးညံ့သိမ်မွေ့ဟူစိန် ခံယူဂေ့ပါ။

²² တရားတော် ဟို့ ကြားနာ ရောင် ဘဲ ကြားနား ရှင်း
အားဖြင့် နန်းနို့ကိုယ် နန်းနို့ လှည့်ဇားဂေ့န။ တရားတော်
ဟို့ လတ်တွေ့ ကျင့်သောင်းဂေ့ပါ။

²³ တရားတော်ဟို့ လတ်တွေ့ ကျင့်သောင်းဘဲန ကြားနာ
ရောင်ဘဲ ကြားနားရဟူလူဟာ ကိုယ့်ရဲ့ ပကတိမျစ်နာဟို့
မှန်မာကေ့ဟူ လူနတူဟယ်။

²⁴ သူဟာ အယ်မျိုး ကေ့ဘီးဟာ ထွပ်ဟူးဟူ ခီမာ သူ
ရဲ့ ပေါင်ဇီဟို့ မေ့ဟူးတတ်ဟယ်။

²⁵ အယ်ကြောန့် လူလေဟို့ ပြစ်ချည်နှောင်ရှင်းထဲဟ
နေ လွတ်မြေ့-က်စေဘီး စောင်လင်ဟူ ပညတ်တရားဟို့
သေးသေချားချာဟူး လေ့လာကေ့ရှုဟူလူဟာ တရားဟို့
နာဘီးဟာ မေ့ဟူးဇာမျိုးမှုဘဲန ဆစ်ဘီး အာရောင်ပြုဘီး
ဟာ လတ်တွေ့ကျင့်သောင်းလူ ဖြစ်ဟူကြောန့် ဖြားမှုဘဲ
လောက်လောက် ဘုရားသခင်ရဲ့ ကောန်းဂျီးမင်္ဂလာဟို့
ခံစားရလေ့မယ်။

²⁶ လူတယော့-က်ဟာ သူ့ကိုယ်သူ ဘုရားတရားဟို့

ကြည်ညိုဟုယ် ဆိုဘီး ယူဆဘေမဲ့ သူ့ရဲ့ လျှာဟို ထီးနို
င်ဟု ဆိုဟာ သူ့ရဲ့ စိန်လောင်းဟို လှည့်ဇာဟူလူ ဖြစ်ဟု
ယ်။ သူ့ရဲ့ ဘုရားတရား ကိုင်းရှိုင်းရှင်းဟာ ချည်းနှီးဘဲဖြ
စ်ဟုယ်။

²⁷ ဖဘုရားသခင်ရှေ့မာ စင်ကြယ်ဟူတရားဟို ကြည်
ညိုဟုယ် ဆိုဇာ ဒေါက်ခရော့-က်နေဟူ၊ မိဖမ္မေဘဲဟူ သား
ဂန်းလေန မောက်ဆိုးမလေဟို ကေ့ရှုစောန့်ရှောန့်ရှင်း၊
လောကရဲ့ ညစ်ညူးရှင်းလေန ကင်းအောန် ကိုယ့်ကိုယ်
ကိုယ် စောန့်ထီးရှင်းဘဲ ဖြစ်ဟုယ်။

2

မျှစ်နှာလိုက်ဘဲဟို့တွပ် ဒီပေးကြောန်း

¹ ညီကို မောန်နှမလေ၊ နန်းနို့ဟာ ဖောင်းတဂိုးကီးဟူ
သခင်ယေရှုခရစ်တော်ဟို့ ယောင်ကြည်ဟူ လူလေဖြစ်ဟူ
ကြောန်း လူလေဟို့ မျှစ်နှာလိုက်ဘီး ဆစ်ဆံဂေန်။

² နန်းနို့လေရဲ့ ဝါလယ်ဇရပ်ဟို့ ဝမ်လာဟူ လူနွေ
ယော့-က်မာ ရွှေလတ်စွပ်ဝတ်ဟူးဘီး ရရာတိုင်းကော
န်းဟူ အန်းဂီလေဟို့ ဝတ်ဟူးလေဟုယ်။ တခြားတ
ယော့-က်ဟု ဆင်းရဲဟူကြောန်း စုနေဟူအန်းဂီဟို့ ဝတ်ဟူး
မယ် ဆိုဟာ။

³ နန်းနို့ဟာ ကောန်းဟူအန်းဂီဟို့ ဝတ်ဟူးဟူလူဟို့
ဦးစားပေးဘီးဟာ “အယ်နေရာကောန်းမာ ထိုင်ပါ” ဆင်းရဲ
သားဟို့ “ငါရဲ့ ခေရင်းမာထိုင်ပါ” ဆိုဘီး ပြောမယ် ဆိုဟာ။

⁴ ရှင်းရှင်းဘဲ လူဒန်းဇားခွဲခြားဘီး ကောင်းဘဲဟူကြံစည်
ဟို့ စီရင်ဂေဇာ မူဟုလော။

⁵ ငါရှစ်ရဟူ ညီကို မောန်နှမလေ၊ နားထောန်ဂေပါ။
ယောင်ကြည်ရှင်းမာ ကြွယ်ဝဟူ လူလေဖြစ်ဂေဟို့တွပ်၊
ဒိထားဟားဟူ နိုင်ငံတော်ဟို့ မွီခံရဟူလူလေ ဖြစ်ဂေဟို့
တွပ် ဘုရားသခင်ဟာ လောကမာ ဆင်းရဲဟူလူလေဟို့ ဝီး
ကော့-က်ဟားဇာ မူဟုလော။

⁶ အယ်ဘေမဲ့ နန်းနီဟာ ဆင်းရဲသားလေဟို့ စော်ဂါးဂေ
ဟယ် ကြွယ်ဝဟူ လူလေဟာ နန်းနီလေဟို့ နှိစစ်ဘီးဟာ
တရားသူဂီးလေရှေမာ ဆွဲခေါ်ဟားဂေဟယ် မူဟုလော။

⁷ နန်းနီဟို့ ခေါ်ဟားဘီး နာမတော်ဟို့ ကဲ့ရဲ့ဂေဇာ မူဟု
လော။

⁸ နန်းနီဟာ “ကိုယ့်နဆိုင်ဟူလူဟို့ ကိုယ်နမျှရှစ်ပါ” ဆို
ဘီး ကျမ်းစာမပါဟူ ရွှေပညတ်တော်ဟို့ ကျင့်မယ် ဆို
ဟာ ကောန်းဟူဇာဟို့ ကျင့်ဟူဇာ ဖြစ်ဟယ်။

⁹ အယ်မျိုးမူဘဲနေဟာ လူမျစ်နှာဟို့ ထော့-က်မယ် ဆို
ဟာ ပြစ်လောက်ဟူလူ ဖြစ်ဟယ် ဆိုဇာ အယ်ပညတ်
အားဖြင့် ထန်ရှားဟယ်။

¹⁰ ပညတ်တော်တခုဟို့ ခုလိုးဖော့-က်ဟူလူဟာ ပညတ်
တော် ဂူလောင်းဟို့ ခုလိုးဖော့-က်ဇာန တူးဒုဘဲ။

¹¹ ဖြားဖြစ်ကြောနဲ့နဲ့ဆိုဟာ “အီထောန်ရေးဖော့-က်ပု
လန်န” ဆိုဘီး ပြောဟားဟူသခင်ဟာ “လူသတ်ဟို့လည်း
သတ်န” ဆိုဇာလည်း ပြောဟားကြောနဲ့ ဖြစ်ဟယ်။ နန်ဟာ
အီထောန်ရေး ဖော့-က်ပုလန်ဘေမဲ့ လူသတ်ဟူသတ်ဟု

ယ် ဆိုဟာ ပညတ်တော်ဟို ခုလိုးဖော့-က်ဇာန တူးဒူဘဲ ဖြစ်ဟယ်။

¹² အယ်ကြောန့် နန်းနို့ဟာ လွတ်မြော-က်ရှင်းနဆိုင်ဟူ တရားတော်အားဖြင့် စီရင်ရှင်းဟို ခံရမယ်သူလေမျိုးဘဲ ပြောဆိုကျင့်ကြံဂေပါ။

¹³ က ရုဏာ မေ့ဘဲ ဟူ လူဟာ က ရုဏာ မေ့န ဟူ တရားစီရင်ရှင်းဟို ခံရလေ့မယ်။ အယ်ဘေမဲ့ ကရုဏာ ဟာ တရားစီရင်ရှင်းထတ်မာ အောန်ဗွဲခံတတ်ဟယ်။

ယောင်ကြည်ရှင်းနကျင့်

¹⁴ ငါ့ညီကို မောန်နှမလေ၊ လူတယော့-က်ဟု ငါမာ ယောင်ကြည်ရှင်းရှိဟယ် ဆိုဘီး ပြောဘေမဲ့လည်း ကျင့်အားဖြင့် သတ်သေပြနိုင်ဟု ဆိုဟာ ဖယ်ကျိုးရှိနူး။ အယ် လူရဲ့ ယောင်ကြည်ရှင်းဟာ သူ့ဟို ကယ်တန်နိုင်ဘဲလော။

¹⁵ ညီကို မောန်နှမလေဟာ စားဝတ်နေရေး ဆင်းရဲနေဟူ ခီမာ

¹⁶ နန်းနို့ဟု “နန်းနို့လေဟို ဘုရားသခင် ကောင်းဂျီးပေးပါစေ။ ငြီးငြီးချမ်းချမ်းဟွား နေဂေပါ။ ဝဝဟွားစားဂေ” ဆိုဘီး ပြောဘီးဟာ သူးနို့ရဲ့ ကိုယ်ခန္ဓာတွပ် လိုအပ်နေဟူ ဇာလေဟို ပေးဘဲန နေမယ် ဆိုဟာ ဖြာကျိုးရှိမယ်နူး။

¹⁷ ယောင်ကြည်ရှင်းဟုလည်း အယ်မျိုးဘဲဖြစ်ဟယ်။ ကျင့်မေ့ဘဲဟူ ယောင်ကြည်ရှင်းဟာ ခုဒဲဘဲဖြစ်ဟူကြောန့် သေဖြစ်ဟယ်။

18 အယ်ကြောန့် ယော့-က်ယော့-က်ဟု “ငါ့မာ ယောင်ကြည်ရှင်းရှိဟယ်” ဆိုဘီး ပြောမယ် ဆိုဟာ “ကျင့်မေ့ဘဲ နှန့်ရဲ့ယောင်ကြည်ရှင်းဟို့ ငါ့ဟို့ ပြပါ။ ငါဟုကျင့်န ငါရဲ့ယောင်ကြည်ရှင်းဟို့ ပြမယ်” ဆိုဘီး ပြောဇာရှိဟယ်။

19 ဘုရားသခင်တပါးဘဲ ရှိဟယ် ဆိုဘီး ယောင်ကြည်ဇာဟာ ကောန်းဟယ်။ နတ်ဆိုးလေဟုလည်း အယ်မျိုးဘဲ ယောင်ကြည်ဘီးဟာ ကြော့-က်ဘီး တူနေဂေဟယ်။

20 အို၊ လူမိုက်၊ ကျင့်မေ့ဘဲဟူ ယောင်ကြည်ရှင်းဟာ ချည်းနှီး*ဖြစ်ဟယ် ဆိုဇာဟို့ သိရှင်လော။

21 နို့လေရဲ့ဖိုး အာဗြဟံဟာ ဘုရားသခင်န မှန်းမှန်ကန်းကန် ပေါန်းသင်းဆစ်ဆံဇာဟို့ ဖယ်မျိုးရဟယ်နူး။ သူဟာ သူ့သားကုဇာက်ဟို့ ယဇ်ပလ္လင်ထတ်မာ တန်ဘီးဟာ ပူဇော်ဟူ ခီမာ ကျင့်ကြောန့် ဖြောန့်မတ်ရှင်းဟို့ ရဟယ်။

22 သူရဲ့ယောင်ကြည်ရှင်းဟာ ကျင့်နတွဲနေဇာဟို့ နန်းနို့လေဟာ ဗြင်ဂေဟုလော။ ကျင့်ကြောန့်သူရဲ့ ယောင်ကြည်ရှင်းဟာ ပုလဲဝစောင်လင်လာဟယ်။

23 အယ်ကြောန့် “အာဗြဟံဟာ ဘုရားသခင်ဟို့ ယောင်ကြည်ဟယ်။ သူရဲ့ ယောင်ကြည်ရှင်းကြောန့် ဘုရားသခင်ဟာ သူဟို့ ဖြောန့်မတ်ဟူသူနေန လတ်ခံလိုက်ဟယ်” ဆိုဇာ ကျမ်းစကားဟာ ပုလဲဇောင်လာဟယ်။ အယ်ကြောန့် အာဗြဟံဟာ ဘုရားသခင်ရဲ့ မိဆွေ ဆိုဘီး ခေါ်ခဲရဟယ်။

24 အယ်ကြောန့် လူဟာ ယောင်ကြည်ရှင်း အားဖြင့်

* 2:20 J.J၀ ချည်းနှီး၊ တချို့လတ်ရေးမှုလေမာ သေရှင်း၊ ဆိုဘီး ပါရှိဟယ်။

ဘဲ ဖြောင့်မတ်ရှင်းဟို့ ရှော့-က်ဇာမူဟု။ ကျင့်အားဖြင့် ရှော့-က်ဟယ် ဆိုဇာဟို့ နန်းနို့ သိရဂေဟယ်။

²⁵ ကောန်းဘဲဟူမီးမ ရာခပ်ရဲကြောင်းဟုလည်း အယ် မျိုးဘဲ ဖြစ်ဟယ်။ သူဟာ ကုသရေလ တလျှိုလေဟို့ လတ်ခံဘီးန တခြားလမ်းဟုနေ ထွပ်ဟားဟို့တွပ် ကူညီ ပေးဟယ်။ အယ်မူကြောန့်သူဟာ ကျင့်ကြောန့် ဖြောင့်မတ် ရှင်းဟို့ ရှော့-က်ဟားဇာ မူဟုလော။

²⁶ အယ်ကြောန့် ဝိညာဉ်မွေဘဲဟူ ကိုယ်ခနဓာဟာ သေ ဖြစ်ဟူမျိုးဘဲ ကျင်မွေဘဲဟူ ယောင်ကြည်ရှင်းဟုလည်း သေဖြစ်ဟယ်။

3

လျှာကြောန်း

¹ ငါ့ညီကို မောန်နှမလေ၊ ဆရာဖြစ်ဂေဟူ နို့လေဟာ တခြားလူလေထတ် ပိုဘီး ဟာ စစ်ကြောစီရင်ရှင်းဟို့ ခံရ မယ် ဆိုဇာ နန်းနို့ဟာ သိဟူကြောန့် ဆရာလေ ဖြစ်ရှင်ဂေ နှံ။

² နို့လေရှိမျှဟာ မကြာမကြာ မှားဂေဟယ်။ ဖယ်ခါ လည်း စကားမှားဘဲဟူလူဟာ ပုလဲဝစောင်လင်ဟူလူ ဖြစ် ဟယ်။ အယ်မျိုးလူဟာ ကိုယ့်ကိုယ်ကိုယ် ထီးချောက်နိုင် ဟူလူ ဖြစ်ဟယ်။

³ နို့လေဟာ မြင်းဇတ်ပေါ့-က်ဟို့ ခယ်ဟားဘီးဟာ မြ င်းတကိုယ်လောင်းဟို့ လှည့်စေဟို့တွပ် နို့လေရဲ့ စကားဟို့

နားထောန်ခိုင်းဘီးဟာ သွားရှင်ဟူနေရာဟို့ သွားခိုင်းနိုင်ဟယ်။

⁴ ရရာတိုင်းကီးဟူ သန်းဖော်လေဟို့ လေတိုက်နေဟူ ခီမာ ပဲ့ဟို့ကိုင်ဘီးဟာ ထီးချောက်ဘီး ပဲ့ထီးဟူလူဟာ သွားရှင်ဟူနေရာဟို့ လှည့်တတ်ဟယ်။

⁵ လျှာဟုလည်း အယ်မျိုးတိုင်းဘဲ ဖြစ်ဟယ်။ ကိုယ်ခန္ဓာမာ ငယ်ဆောင်းအင်္ဂါဖြစ်ဘေမဲ့ ရရာတိုင်းကီးဟူဇာလေဟို့ ဝါကြွားတတ်ဟယ်။

ရရာတိုင်းကီးဟူသစ်တောဟို့ ရရာတိုင်းငယ်ဟူမီးပွားဟာ လောန်နိုင်ဟယ် ဆိုဇာ ကေ့ကေ့ပါ။

⁶ လျှာဟာ မီးနတူဟယ်။ ပြစ်ဒုစရိုက်လေန ပုလဲဝဟူ လောကဖြစ်ဟယ်။ အယ်မျိုးဘဲ ကိုယ်ခန္ဓာမာ အင်္ဂါတခုနေရ ရှိနေဘီး နို့လေရဲ့ ကိုယ်ခန္ဓာ တခုလောင်းဟို့ ပြစ်ဒုစရိုက်လေန ကူးစစ်ဘီး ပုလဲနဲ့စေဟယ်။ လျှာဟာ ငရဲမီးန နို့လေရဲ့ ဘဝဂူလောင်းဟို့ လောန်စေဟယ်။

⁷ လူဟာ တခြားသတ္တဝါလေဖြစ်ဟူ လိဆန်၊ ငှက်၊ တွားတတ်ဟူ သတ္တဝါန ပန်လယ်မှာနေဟူ သတ္တဝါလေဟို့ လူလေဟာ ယဉ်အောန်လောက်နိုင်ဟယ်။ လောက်လဲလောက်လာဟယ်။

⁸ အယ်ဘေမဲ့ လျှာဟို့ ဖယ်သူလည်း နိုင်အောန်လောက်နိုင်ဟူ။ လျှာဟာ သေစေတတ်ဟူ ဆိန်ပုလဲဝဘီး ထီးချောက်ဟို့ မျှဘဲနေအောန် ဆိုးဟယ်။

⁹ နို့လေဟာ ဖဘုရားသခင်ရဲ့ ဂေါင်တော်ဟို့ ချီးမွမ်းဟူ

ခီမာ လျှာလေဟံ သောင်းဂေဟယ်။ ဘုရားသခင်ရဲ့ ပေါင်ဇိန်တူးအောန် ဖန်ဆင်းဟူးဟူ လူလေဟံ ကီဆဲဟူ ခီမာလည်း သောင်းပြုဂေဟယ်။

¹⁰ နှောက်တခုထဲဟု ကျေးဇူးတော်ဟို့ ချီးမွမ်းရှင်းန ကီဆဲရှင်းလေ ထွပ်တတ်ဘဲလော။ ညီကို မောန်နှမလေ အယ်မျိုးဖြစ်သင့်ဟု။

¹¹ စမ်းရေ တပေါ့-က်ထဲဟု ရှိဟူရေ ခါးဟူရေလေ ထွပ်တတ်ဘဲလော။

¹² ညီကို မောန်နှမလေ၊ သဖန်းပန်မာ သံလွင်သီးဟို့ သီးနိုင်ဘဲလော။ စပျစ်နွယ်ဗန်မာ သဖန်းသီးဟို့ သီးနိုင်ဘဲလော။ အယ်မျိုးဘဲ ငန်ဟူရေဟု ရှိဟူရေ ဖြစ်နိုင်ဟု။

ထတ်ဟုလာဟူ ဉာဏ်ပညာကြောန်း

¹³ နန်းနို့ထဲမာ လိမာဟူဉာဏ်နုပုလဲဇောင်ဟူ ပညာရှိတယော့-က်ရှိမယ် ဆိုဟာ သူဟာ သူ့ရဲ့ ပညာရှိဟူ ဉာဏ်ပညာန နှိခလဟူစိန် သတ်ရှင်ဘီး ကောင်းဟူကျင့်လေဟို့ သတ်သေပြပါစေ။

¹⁴ အယ်မျိုးမှုဘဲနေဟာ နန်းနို့လေရဲ့ စိန်လောင်းထဲမာ မာနကီးဟူစိ၊ နာလိုဘဲဟူစိ၊ တကိုယ်ကောန်ဆန်ဟူစိလေ ရှိမယ် ဆိုဟာ ဉာဏ်ပညာတွပ် ဝါးကြွားဘီ ပြောဟူဇာန သမ္မာတရားဟို့ ဆန့်ကျင်ဂေန်။

¹⁵ အယ်မျိုးပညာဟာ ထတ်ဟုရော့-က်လာဟူ ပညာမူဟု၊ လောကဆန်ဘီး ဇာတိသွီးသားနဆိုင်ဟူ၊ နတ်ဆိုးလေ န ပတ်သတ်ဟူ ပညာဘဲဖြစ်ဟယ်။

16 ဖြားဖြစ်ကြောင့်နှိုးဆိုဟာ နာလိုဘဲဟူစိ၊ တကိုယ်
ကောန်ဆန်ဟူ စိလေဟာ အေးချမ်းဘဲန ရှောက်ရှစ်ခတ်
ရှင်း၊ ကောင်းဘဲန ယောက်မာရှင်းလေ ဖြစ်စေတွပ်ကြောင့်
ဖြစ်ဟုယ်။

17 အယ်ဘေမဲ့ ထတ်ဟုလာဟူ ပညာဟာ ဦးဆောင်း
ဟု သန်ရှင်းစင်ကြယ်ဟုယ်။ အယ်ဘီးန ငြီးချမ်းဘီးဟာ
သာယာရှင်း၊ နူးညံ့သိမ်မွေ့ရှင်း၊ ရှစ်ရှစ်ခင်ခင် ဖြစ်စေဟု
ယ်။ ကရုဏာန ကြွယ်ဝပုလဲဇောင်ဘီး ကောင်းမြတ်ဟူ
ကျင့်လေဖြစ်ဟူ သီးပွမ့်လေဟိုလည်း ဖြစ်စေဟုယ်။ မျစ်
နှာလည်းလိုက်ဟူ။ ဟန်ဆောန်မှုလေလည်း မေ့ဟူ။

18 ငြီးချမ်းမှုလေဟို လောက်ဆောန်လူလေဟာ ပြောန့်မ
တ်ဟူသီးရဲ့ မျိုးစေ့ဟို ငြီးချမ်းစွာ ကြဲတတ်ဟုယ်။

4

လောကန မိတ်သဟာယဖွဲ့ရှင်း

1 နန်းနို့လေဟာ ဖြားဖြစ်ကြောင့် ရန်ဖြစ်ရှင်းလေန ငြင်း
ပွားရှင်းလေဟို ဖြစ်စေနှိုး။ နန်းနို့လေရဲ့ ကိုယ်ကာယရဲ့ လို
အပ်ဟူ ဆန္ဒလေကြောင့် ဖြစ်ဇာ မူဟုလော။

2 နန်းနို့လေဟာ ကိုယ်လိုရှင်ဇာလေ ရဘဲကြောင့် လူလေ
ဟို သတ်ဟိုတွပ် ဆင်သင့်ရှိနေဂေဟုယ်။ ရရာတိုင်း လို
ရှင်ဇာလေဟို ရနိုင်ဘဲဟူကြောင့် ငြင်းနေဂေဟုယ်။ ရန်
လည်းဖြစ်ဂေဟုယ်။ နန်းနို့လိုရှင်ဇာလေ ရဂေဘဲဇာဟာ
ဘုရားသခင်မာ တောင်းဂေဘဲကြောင့် ဖြစ်ဟုယ်။

³ နန်းနို့ တောန်းရှော-က်ဇာဟာ ရည်ရွယ်ချစ် လွှဲမှားဘီး ကိုယ့်ရဲ့ စည်းငိမ်အောက်စာ ခံစားဟို့တွပ်ဘဲ တောန်းရှော-က်ဂေဟူကြောန့် ဖြစ်ဟယ်။

⁴ နန်းနို့ဟာ သစ်စာမေ့ဘဲန ဆိုးညစ်ဟူလူလေ ဖြစ်ဂေဟယ်။ လောကန ခင်ရှင်ဟူ လူလေဟာ ဘုရားသခင်ဟို့ ရန်ရှာဟူလူ ဖြစ်ဟယ် ဆိုဇာ နန်းနို့ သိဘီး နားလည်ဂေဟလော။ လောကန မိဆွေဖြစ်ရှင်ဟူလူဟာ ဘုရားသခင်ရဲ့ ရန်သူဖြစ်ဟယ်။

⁵ ကျမ်းစာဟု “နို့လေထဲဟို့ ဘုရားသခင်ပေးဟူ ဝိညာဉ်တော်ဟာ သဝန်တိုဟူဘောန တောန်းတတော်မူဟယ်”* ဆိုဘီး ကြောန်းမေ့ဘဲန ဖော်ပြဟူးဟယ် ဆိုဘီး နန်းနို့ ထန်နေဂေလော။

⁶ အယ်ဘောမဲ့ နို့လေဟို့ ဘုရားသခင်ပေးဟူကျေးဇူးတော်ဟာ ပိုဘီး ဟာ စွမ်းအားကီးဟယ်။ “ဘုရားသခင်ဟာ မာနကီးဟူလူလေဟို့ နို့ဒုလဟူ လူလေဟို့ ကျေးဇူးတော်ဟို့ ဒုလပေးဟယ်” ဆိုဘီး ကျမ်းစာလာဟူဇာန ညီဟယ်။

⁷ အယ်ကြောန့် ဘုရားသခင်ရဲ့ လိုတော်ဟို့ လိုက်ဂေပါ။ မာရ်နတ်ဟို့ ဆီးတာဂေပါ။ အယ်မျိုးလောက်မယ် ဆိုဟာ သူဟာ နန်းနို့နားဟုနေဘီးဟာ ထွပ်ပုလေးဟူးလေ့မယ်။

⁸ ဘုရားသခင်နားဟို့ သွားဂေ။ အယ်မျိုးဆိုဟာ ကိုယ်

* 4:5 ၄.၅ ဝိညာဉ်တော်ဟာ သဝန်တိုဟူဘောန တောန်းတတော်မူဟယ်၊ အယ်မျိုးမူဘဲနေဟာ ဘုရားသခင်ဟာ ကျွန်တော့်လေထဲမာ ရှိနေဟူ ဝိညာဉ်တော်ဟို့ သဝန်တိုဟူဘောန တောန်းတဟယ်။

တော်ဟု နန်းနိုးနားဟို့ ကြွလာလေ့မယ်။ ပြစ်ကျူးလွန်ဟူ လူလေ၊ နန်းနိုးလတ်လေဟို့ ဆေးဂေ့ပါ။ မာနကီးဟူလူလေ၊ နန်းနိုးလေရဲ့ စိန်လောင်းဟို့ သန်ရှင်းစင်ကြယ်အောက်လော က်ဂေ့ပါ။

⁹ ဝန်းနည်းကြေကွဲဂေ့ပါ။ ငိုဘီးဟု ညီးတွားဂေ့ပါ။ နန်း နိုး ရယ်ဇာလေဟို့ ငိုဇာဖြစ်စေဂေ့ပါ။ နန်းနိုး ဝန်းသာဇာဟို့ ဝန်းနည်းဇာ ဖြစ်စေဂေ့ပါ။

¹⁰ နန်းနိုးဟု ကိုယ့်ကိုယ်ကိုယ် ဘုရားသခင်ရှေ့မာ နှိခ လဂေ့ပါ။ အယ်မျိုးဆိုဟု ကိုယ်တော်ဟု နန်းနိုးဟို့ ချီး မြှော့-က်လေ့မယ်။

စစ်ကြာစီရင်ဂေ့ဘဲဟို့တွပ် ဒိပေးကြောန်း

¹¹ ညီကို မောန်နှမလေ၊ နန်းနိုးဟု ရှင်းရှင်း ယော့-က်န ယော့-က် ပေါက်ခတ်ဘီး ဝေဖန်ရှင်းန စစ်ကြာစီရင်ရှင်း လေဟု ပညတ်တရားဟို့ ပေါက်ခတ်ဘီး ပြောနေဇာနတူ ဟယ်။ ပညတ်တရားဟို့ စီရင်ဂေ့မယ် ဆိုဟု နန်းနိုးဟု အယ်မူတရားဟို့ ကျင့်ဟူလူမူဘဲန စစ်ကြာစီရင်ဟူ လ လေဘဲ ဖြစ်ဂေ့ဟယ်။

¹² ဘုရားသခင်တပါးဘဲ ပညတ်တရားဟို့ ပေးဘီး စီရင် ပိုင်ဟူ သခင်ဖြစ်ဟယ်။ ကိုယ်တော် တပါးဒဲဘဲ ကယ်တန် နိုင်တွပ်ရော၊ ဖျစ်ဆီနိုင်ဟို့တွပ် တတ်နိုင်ဟယ်။ နန်ဟု ဖယ်သူဖြစ်ကြောန့် အီဇနီးရှင်းဟို့ စီရင်ရနူး။

ဝါကြားဘဲဟို့တွပ် ဒိပေးကြောန်း

13 “အယ်နေမှုဘဲနေဟာ နတ်ကီးတိုင်ဟာ အယ်မြို့ဟို နို့လေသွားဘီး တနှစ်လော့-က်နေဂေဇို။ အယ်မြို့မာ ကူ သယ်လောက်ဘီး ကပ်လေဘောင်ဂီးရှာဂေဇို” ဆိုဘီး နန်း နို့ထဲဟု တချို့ပြောဂေဟယ်။ အယ်ဘေမဲ့ ငါပြောဇာဟို နားထောန်ဂေ။

14 နန်းနို့ဟာ နတ်ကီးတိုင်ဟာ ဖယ်မျိုးဖြစ်မယ် ဆို ဇာ သိနိုင်ဂေဟု။ နန်းနို့သတ်ဟာ ရှစ်ဟားပေါ်လာဘီးန ပျော့-က်ဟားတတ်ဟူ မီးခိုးနတူဟယ်။

15 “ဘုရားသခင် လိုတော်ရှိမယ် ဆိုဟာ နို့လေဟာ သတ် ရှင်ဘီး အယ်မှုလေဟို အယ်မျိုးလောက်မယ်။ အယ်မျိုး လောက်ဂေဇို” ဆိုဘီး နန်းနို့ပြောဂေဟယ်။

16 ခုနန်းနို့ဟာ မာန်မာနကီးဘီး ဝါကြွေးတတ်ဂေဟယ်။ အယ်မျိုးဝါကြွေးဇာဟာ ပြစ်ဖြစ်ဟယ်။

17 အယ်ကြောန့် ကောန်းဟူကျင့်ဟို သိဘီးဟာ လောက် ဘဲနေဟူလူဟာ ပြစ်ရှိဟယ်။

5

ကြွယ်ဝဟူ လူလေဟို ဒီပေးကြောန်း

1 ကြွယ်ဝဟူ လူလေ၊ ငါစကားဟို နားထောန်ဂေပါ။ နန်း နို့ဟာ ကိုယ်တွဲကြောင်ရဟူ ဆင်းရဲဒေါက်ခလေတွပ် ငိုဘီး ဟာအောဟစ်ဂေ။

2 နန်းနို့ရဲ့ စည်းငိမ်အောက်စာဟာ ဆွီးဟားဘီ။ နန်းနို့ရဲ့ ဝတ်လေဟာ ပိုးကိုက်စားလိုက်ဘီ။

³ နန်းနို့ရဲ့ ရွှေလေ၊ ငွေလေဟုလည်း သံခလေးတတ်နေဟယ်။ အယ်သံခလေးဟာ နန်းနို့ဖတ်မာ သတ်သေထော့-က်ထားဖြစ်ဘီး မီးလေမျိုးဘဲ နန်းနို့သားလေဟို့ လောန်ဘီးဟာ ပျစ်စီးစေလေ့မယ်။ နော့-က်ဆောင်းနေ့ရစ် ကာလမာ နန်းနို့ဟာ အောက်စာဘဏ္ဍာလေဟို့ စုဆောင်းနေဂေဟယ်။

⁴ နန်းနို့သီးနှံလေဟို့ ရိပေးဟူလူလေရဲ့ လောက်အားခဟို့လည်း ပေးဂေဟယ်။ သူးနို့ တိုင်ပြောဟူဇာလေဟို့ နားထောန်ဂေပါ။ သူးနို့ဟာ သံကုလယ်ကုလယ်န တောန်းဟူဇာဟို့ ကောန်းဂန်ဗိုလ်ခေ အနန္တတဂိုးရှင် ဘုရားသခင်ဟုကြားနေရဟယ်။

⁵ နန်းနို့ဟာ လောကမာ စည်းဇိမ်ခံစားဘီးဟာ ပျော်နေဂေဟယ်။ သတ်ခံရဟူနေ့တွပ် ကိုယ့်ကိုယ်ကိုယ် ဝလာအောန် ကျွေးဂေဟယ်။

⁶ ပြစ်မှုဘဲန ပြောန့်မတ်ဟူ လူလေဟို့ သေဒန်စီရင်ဘီး သတ်ဂေဟယ်။ အယ်ဘေမဲ့ သူးနို့လေဟာ နန်းနို့ဟို့ တားဂေဟယ်။*

သည်းခံရှင်းန ဆုတောင်းကြောင်း

⁷ အယ်ကြောန့် ညီကို မောန်နှမ လေ၊ နန်းနို့ဟာ သခင်ဘုရား ကြွလာဟူခီထိ သည်းခံဘီးဟာ စောန်နေဂေပါ။ လယ်သမားဟာ သူ့ရဲ့ လယ်မာ ဖိုးကီးဟူ သီးနှံလေ

* 5:6 ၅.၆ သူးနို့လေဟာ နန်းနို့ဟို့ တားဂေဟယ်၊ အယ်မျိုးမှုဘဲနေဟာ ဘုရားသခင်ဟာ နန်းနို့ဟို့ ဆီးတားမယ် မှဟုလော။

ထွပ်လာဟို့တွပ် ရင်မိုးန နှော-က်မှဝါဟူ မိုးဟို့ စောန်မျှော်
နေဟယ်။

⁸ နန်းနို့ဟာ သည်းခံဟူစိန စောန်နေဂေပါ။ သခင်ဘုရား
ကြွလာဟူ နေရစ်ကာလဟာ နီးလာဘီ ဖြစ်ဟူကြောန့် နန်း
နို့လေ မျှော်လင့်ဇာလေဟို့ ခိုင်းခိုင်မားမာ ထားဂေပါ။

⁹ ညီကို မောန်နှမလေ၊ နန်းနို့ကိုယ်တိုင် ဘုရားသခင်ရဲ့
စစ်ကြောစီရင်ရှင်းန လွတ်ဟို့တွပ် ရှင်းရှင်း တယော့-က်
ဟို့ယော့-က် ပြစ်တန်ဂေန။ တရားစီရင်ပိုင်ဟူ သခင်ဟာ
ရော့-က်လာဘီး ခွဗော့-က်ဝမာ ရပ်နေဟယ်။

¹⁰ ညီကို မောန်နှမလေ၊ ဘုရားသခင်ရဲ့ နာမတော်ဟို့ မှီ
ပြုဘီး ဟောပြောရစ်ဟူ ပရောဖက်လေရဲ့ ကြောန်းဟို့ ဒီ
ရဂေပါ။ ဆင်းရဲ့ဒေါက်ခ ရော့-က်ဟူ ဒီမာ သူးနို့လေရဲ့
သည်းခံရှင်းလေဟို့ စံနမူနာ ယူဂေပါ။

¹¹ သူးနို့လေဟာ ခံနိုင်ရည်ရှိဟူ လူလေဖြစ်ဟူကြောန့်
သူးနို့ဟို့ မင်္ဂလာရှိဟူလူလေ ဆိုဘီး နို့လေဟု ခေါ်ဂေဟု
ယ်။ ယောဘဟာ ဖယ်မျိုးသည်းခံဟယ် ဆိုဇာ နန်းနို့လေ
ကြားရဂေဟယ်။ နှော-က်ဆောင်းမာ သူဟို့ ဘုရားသခင်
ဟု ဖယ်မျိုးကေ့ရှုကြောန်းဟို့ နန်းနို့လေ သိဂေဟယ်။ ဖြား
ဖြစ်ကြောန့်နူးဆိုဟာ ထာဝရဘုရားဟာ သနားကြင်နာဘီး
ကရုဏာတော်န ပုလဲဇောင်ဟူ သခင်ဖြစ်ဟူကြောန့် ဖြစ်
ဟယ်။

¹² ငါ့ညီကို မောန်နှမလေ၊ ကီဆိုရှင်းဟို့ လောက်ဂေန။

ကောန်းဂန်ဘောင်န မုလေဂီးဟို တိုင်တယ်ဘီး ကီဆိုဂေ
န။ ဖယ်ဇာဟိုလည်း တိုင်တယ်ဘီးဟာ ကီဆိုဂေန။ နန်းနို့
စကားဟာ “မုန်ဇာဟို” မုန်ဖြစ်စေဘီး “မုဘဲဇာဟို” မူဟာ ဆို
ဘီး ဖြစ်စေဂေပါ။ အယ်မျိုးဆိုဟာ နန်းနို့ဟာ ဘုရားသခင်
ရဲ့ တရားစီရင်ရှင်းဟုနေ လွတ်ဂေလေ့မယ်။

¹³ နန်းနို့ထဲမှာ ဒေါက်ခရော့-က်နေဘီး အားငယ်နေဟူ
လူဟာ ဆုတောင်းစေ။ ဝန်းသာဟူလူဟာ ချင်းဆိုစေ။

¹⁴ ဖျားနေဟူလူဟာ သင်းတော်ဟို အောက်ထီးဟူ သင်း
အောက် လူဂီးလေဟို ခေါ်ဂေ။ သူးနို့ဟာ သခင်ဘုရားရဲ့
နာမတော်ဟို မှီပြုဘီးဟာ လူနာဟို ဆီနလူးဘီးဟာ ဆု
တောင်းဂေပါ။

¹⁵ ယောင်ကြည်ရှင်းန ဆုတောင်းရှင်းဟာ လူနာဟို
ကျန်းမာစေလေ့မယ်။ သခင်ဘုရားဟာ သူ့ဟို ကျန်းမာစေ
ဘီး သူလောက်ဟားဟူ ပြစ်လေဟိုလည်း လွတ်ပေးလေ့
မယ်။

¹⁶ အယ်ကြောန့် နန်းနို့ရှင်းရှင်း ကိုယ်ပြစ်လေဟို ဖော်ပြ
ဝန်ခံဘီး ရှင်းရှင်းလေတွပ် ဆုတောင်းမယ် ဆိုဟာ ရောဂါ
လေ ပျော့-က်လေ့မယ်။ သူတော်ကောန်း ဆုတောင်းရှင်း
ဟာ ရရာတိုင်း တဂိုးပါဟယ်။

¹⁷ လေိယဟာ နို့လေမျိုးဘဲ သာမန်လူဖြစ်ဟယ်။ သူ
ဟာ မိုးဝါဘဲဟိုတွပ် စိအားထတ်သန်ဘီး ဆုတောင်းဟူ ခီ
မာ ကမ္ဘာမုလေဂီးထတ်မာ သောင်းနှစ်န ခြော့-က်လ
တိတိ မိုးဝါဘဲနေလေဟယ်။

¹⁸ နှော့-က်တခါ လေိယ ဆုတောင်းဟူ ခီမာ ကောင်းဂန်
ဟု မိုးဝါဒလဘီး မုလေဆီလွှာဟာ သီးနှံလေဟို့ ပိုဘီး သီး
စေဟယ်။

¹⁹ ညီကို မောန်နှမလေ၊ နန်းနီထဲမာ ယော့-က်ယော့-က်
ဟု သမ္မာတရားလမ်းဟု လွဲဟားဟူ ခီမာ တခြားလူတ
ယော့-က်ဟု လမ်းမှန်ဟို့ ပုလန်ခေါ်လာဟယ် ဆိုဟာ၊

²⁰ ပြစ်ရုံဟူ လူတယော့-က်ဟို့ မှားနေဟူ လမ်းဟု
နေ ပုလန်ဘီး ခေါ်ဆောန်လာဟူလူဟာ အယ်ပြစ်သားရဲ့
ဝိညာဉ်[†]ဟို့ သေရဟူမူဟုနေ ကယ်တန်ဘီး ပြစ်ဘောင်ဂီး
ဟုနေ လွတ်ခွမ်ရဟို့တွပ် လောက်ဆောန်ပေးဟူလူ ဖြစ်
လေ့မယ်။

5:20 ၅.၂၀ ခ ပေ ၄.၈ † 5:20 ၅.၂၀ အယ်ပြစ်သားရဲ့ ဝိညာဉ်၊
အယ်မျိုးမှုဘဲနေဟာ သူ့ရဲ့ ဝိညာဉ်။

ဓမ္မသစ်ကျမ်း ထားဝယ်ဘာသာစကား
The Holy Bible in the Tavoyan language of
Myanmar: ဓမ္မသစ်ကျမ်း ထားဝယ်ဘာသာစကား

copyright © 2024 The Word for the World International

Language: (Tavoyan)

Contributor: The Word for the World International

ထားဝယ် ဓမ္မသစ်ကျမ်း

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1